


KITIKMEONI KOAPARESEYOYOMI

HIVULIQTIM TUHAGAKHANGIT

Aepagotoagagat Katimakyoakniga Kitikmeoni Inuit Katimayet



KITIKMEOT
CORPORATION

ᑭᑭᑭᑭᑭᑭᑭᑭ ᑭᑭᑭᑭᑭᑭᑭᑭ

APITILIRVIK 19, 2023



DAVID OMILGOITOK

KITIKMEOT KUAPURIISAN HIVULIQTU UNALU
HIVUNNGANI IHUMALIUQTI

Quanaqquhi KIA Katimayiit hamna piyakhauyut ilaliutigiami tuhagakhautitka.

Pidjutigiplugit Kitikmeot Kuapuriisan ukuallu havaqativut hivuani aullaqtiqaarlugit uqallagumayunga ikpigivlugit ihumagivlugillu ikayuqhimalugillu tahapkununga ayuqhaqtitauhimayut imaalu ayuqhautigivaktainnik ikhuraaluit Uataani Ukiuqtaqtumillu Kanatami. Havaqatigiyavut, havaqativut ilavullu ittut Yalunaimi British Columbia-milu aktuqtauhimayut hapkuninnga ulurianaqtumik qanurilingayayut. Quyagiyavut hakugingningiit hapkunani uktuqhutik uvvalu ihumagiyavut uvvalu qin'ngautihimayavut ihumagivlugit nunamingnut uvvalu inmi nunallaatik kiublutik ayuqhautimingnut tadjja atuqtait.

Tuniniaqtunga naittumik titiraqhimayumik quviahuutikharnik talvani Kitikmeot Kuapuriisingit hulilukaarutikharnik havakpakhimayainglu talvuuna kinguliuyunik 12-nik tatqiqhiutingnik.



Tallimauyut nutaat Qitiqmiuni Inungnit nanminiriyauyut ilauyut ilaqahiutiyauihimayut 12-ni tatqiqhiutinit atuqhimayunit havaqatigiyaighait Inungnullu havaaghaniktittiyut tuhaqtittiyunit, nutaanguqtaqtunik huanngautinik, umiakkut agyaqtarniq, nunanik qauihaiyit avatiliqiyillu.

Kitikmeot Inuit Havaktittiyut

Hivullirmi, tunihiyumayunga nutaanik tuhaqtitauyukhanik Kitikmeot Inuit havaakhainnik hulipkaidjutikhanik pidjutiqaqtunik Kitikmeot Kuapuriisatkut (KC) ilauyut imaalu pidjutiqaqtut nanminiriyauyut.

KC-kkut hivuliqpaangit tukiqaqtuq pivallianinganik nunagiyauyumi Inuit havaktut atuqtakhanik hulidjutiniglul ikayuqtigiingnit unalu havaanut avvautigiit pipkaivlutik auladjutikhanut ikayuutunik uyaraqhiurviuyuni aulaninginnik nunami. Kapihiliktuumi, Agnico Eagle-kkut (AEM) nutqaqtitauyuk havaamingnit qilamik niuviqtaarninganit inigiyauyumit havaarivlugulu qiniqhiadjutinik hulidjutinik atulihaaqtillugulu 2022-mi. Una qiniqhianiq hulidjutik ikayuutigivlugulu AEM-kkut hitamanik ukiunik havaakhaq ilittuqharianigani nakuuniqharmik pivallianinganik inikhamik.

Ilavut Nunaliqiyitkut Ekutak Ltd, munaqhainiqaqtut qiniqhianikkut ikuutarnikkut havaatigut angiqatigiingnigut uvani Kapihiliktuumi tadjalu aulahimmaaqtumik piyumayavut nayugaani. Nunaliqiyiiniq, havaqatigiplugit KIA-kkut, tunihiyut ikuutaqtittiyunik ikayuqtikhanik ilihautikhanik Kitikmeot Inuinnarnut. Ayuittiaqhimayut uuktuqtun aullaqtitauhimayut talvunga Prince George-mut, BCmi, auladjutikhanik qayangnairutikhanik ayuiqhautikhanik talvungalu Kapihiliktuumi ihuaqatumik havakpakhimayainik ayuiqhautikhaniglu. Hitamauyut Kitikmeot Inuit uuktuqtut qanikkut iniqhimayangit ilihaqtangit.

AEM-kkut qiniqhianikkut pinahuarutik naiglihimayaat aallanik havaakhanik hulidjutainnik talvani havagviani. Nauyaiyautigilugu, uvagut tugliriyavut kitikmeoni Tangmaarvikhangit Ihuaqhaidjutikhanik tunihimmaaqtumun iganirmik ilihautiyut tangmaarvikhanik munaridjutikhanik ikayuutikhanik talvani Kapihiliktuumi. AEM tadja aulapkaiyut mikitqiyaniq tangmaavikhamik qiniqhiaplutik, imaalu paqihimaliqtavut Tangmaarvikhangit Ihuaqhaidjutikhat ayuittiaqhimayut imaalu itiutikhangit havaakhat imaalu uuktuqtakhanik ayuiqhariani nayugaani tadja ikittut.

Nutqallangniq uyaraqhiurnikkut havaariyakhainik Kapihiliktuumi ihuittumiglu aktuqtauvaktuq aallamik KC-kkut tugliriyaaat ilanginnik, Kitikmeot Nuna Iluani Hauvikhangit Uyaraqhiurnikkut Pivallialiurnikkullu (KCMD). KCMD naiglihimayaat Kapihiliktuumi havaktut uvani kingullirmi upalungaiyautini imaa qaffuuningit pingahut innut pusaatigut, hulaqutiyut malrunngik angirutiqtaqtunut havaktinun.

KC-kkut hivulliqtiuniq, ukuallu havaqatitivut kivgaqtuiyut, katimaqatigivaktait munaqhaidjutikhanik Kapihiliktuumi nayugaani uqatigiplugit nanminiriyauyut havaakhallu uuktuqtauyukhat. Tunnganiqaqhuni uqaqatigiingningit illitturipkaidjutinik aallanngutqirutinik havaakhakkut hulinirmi uvani Kapihiliktuumi tunihimayut AEM-kkut uqaqhimayaa inirumanikkut qiniqhianikkut pinahuarutimik ihumaliuqtinnani piangaiyarnikkut pittaarutainnik hivunmun pivallialiurnikkut talvani nayurvingni.

Kihimi, havaakhaq idjuhia akhuuqhailluaqpaqtuq talvani B2Gold’ip Hanningayuuq Kuugaa uyaraqhiurnikkut auladjutait. Malikhugit Sabina niuviqhimayut hapkunangga B2Gold, KC-kkut hivuliqhurnikkut piyakhaqatut katimaqatigilugit tikkuaqtauhimayut hapkununga B2Gold atannguyat, taimaa uqautigiyait hakugiktumik akhuurutinik nunamingni havaatigut aulapkaqhimayut nunataarnikkut.

Ihumayugut taamna B2Gold’ip Hanningayuuq Kugaa hanayauhimayuuq puqtuhinahuarlugit tautukhutik angiglyuummiqtut iluani Kitikmeoni nunataaqhimayunut havaakhaq talvuuna KC-kkut ilakhainut. Taimaatun B2Gold ihumagiyait auladjutikhanut talvannga aullaqtiriami atulihaaliqqat 2025-mi, havaatigut angiqatigiigutaa aivarutigiigahuaqtut havaatigut aulapkaqiyini ikayuriami B2Gold-kkut uyaraqhiurnikkut aulapkaqjutinik. Qanilruani malruk KC nanminiqutitigut ilauyut, Kitikmeot Tangmaarvikhangit Ihuaqhaidjutikhangit unalu Kitikmeot Akhalaq Uyaraqhiurnikkut Ikayuutikharnik aittuqtauvakhimayut hivutuniraalungmik havaatigut angiqatigiikhimayut B2Gold-mit. Tamangnik ukuat nanminiqatqutinik piqaqtun nunataaqhimayunik havaktinik talvani nayugaani qiniqhimmaaqtutuglu Kitikmeot Inuit uuktuqtunik havaktukharnik. Niriuktugut hivumut piyakhnik uvvalu ilauqatigiingnikkut ilauyunun hapkununga B2Gold-mik qanilruani tatqiqhiutini.



STEPHANIE TAPTUNA

HIVULIQTU, NANMINILGIT
NUNALITLU HAVAQATIGINI

Kingulliqpaamik pidjutigiplugit Kitikmeot Inuit havaktittinirmik, qaffini ukiuni KC-kkut aullaqtiqtut aallatqiiktunik ilaupkaqjutinikhanik Kitikmeoni tigumiaqtiuyut imaalu havaqatigiiglutik naunaqhitikhanik imaalu atulirnikhanut pivikhainnik amigairyuumidjutikhanik havaktittinirnut havaakhanullu hailiyunik Kitikmeot Inuinnarnut. Una akhuurut, taiyayuuq Kitikmeot Inuit Havaatigut Parnaiyautigut, pihimayut tiggumidjutiqatut angirutit hivulliyukhanun hulidjutit uvani 2022-mi. Hapkuat hivullituyakhat ilauyut havakhutik tukiqatuuq Kitikmeoni Inuit ihuaqtumik ilaudjutikhanik uukturlutik puqtuhinahuarlugit imaalu ayuittariikhimayunik havaakhanik, katilviulutik nunataaqhimayut havaakhanut pivikhainnik imaalu piliurlutik ikayuutikhainnik atuqtakhainnik Inuit havaakhainnik ihuaqtumik iniqhiyaanginni.

Atulingnikkut akhuurutit aullarutiyut ukiakhami aippaangani uvvalu uvani Ubluqtuhivia 2023 KC havaktittivluniuk Stephanie Taptuna Aulapkaqiyubluni Nanminikkut uvvalu Nunallaani Havaqatigiingnikkut tunihiyaangani ihuaqtumik ikayuutinik uvvalu hivuliqhurnikkut akhuurutiptingni akhuurutigiblugu uvvalu ikayuqhugit Kitikmeot Inuit havaktittiyut.

Stephanie tunihimaaqtuuq hivuliqtikharnik malikhautikharniglu, talvuuna arvinilik pingahut tatqiqhiutingnik havaakhangit ilaqatigiiktun aulatittivakhimayut auladjutikhanik amigaittunik haniraanik, ilauyullu ukuat:

- Akhuurutigiblugit aallatqiit kavamat timiqutait ilitariyaanginni uvvalu ikayuutikhat havaakhamun, ilauyut ikayuutit uvvalu pitquyayuuq aallanguqtinirmut iliharnirmut, aanniaqtailinirmut iglutigullu maliguagakhat atuqtauyullu,
- Ihuaqhailutik inulrammiinut pinahuarutikhanik tuniyaangani maliktakhanik hivunikhanut havagvikhanik ilaudjutikhanik,
- Pivallialutik kiuvikhangit nakuutqiyamik ikayuriangani hananirnut havakhutik ilihagtunut piliriakhat unalu angiklyuummirlugit nunalingni-kitunut havaakhanut pivallianikhanut avatikhangit, unalu
- Pivalliyukhat turaaqhugillu aallatqiinik-pitquhikkut qauyimayainnit ilihagtakhainit atan’nguyanut.

Atauhiq kingulliqpaaq pidjutigiplugit Stephanie munariyakhait uvani nutaamki havaariyamininik. KIAkkut hivuani tukhiqhimayut taapkua KC-kkut munaridjutait amigairyuumilugit piyaangningit uvvalu tautungnaqtut nunataaqhimayut imaa ihuaqhaiblutik pulaaqattarlugit Kitikmeoni nunallaanun. Uuminngat Stephanie ilauhimavlu, KC-kkut tadjaa avatikhainit upalungaiyautiqaliquhuni parnaiyainiq amiriyakhangillu tutqinnaqtumik nunaliyut pulaaqattaqtut piplugit.



\$25 milian taalanik aittuqhivaktut ikayuutighait Qitiqmiut Kuapuriissat Kanatam Kavamatuqaanit Ayuittut Nutaannguqtaqtut Alrulyaliqiyighallu hivunighami ikayuutighait nutaannguqtaqtut huanngautinik hannavighait Kapihiliktuuqmi.

Nanminirmut Pivallianiq Havauhikhat

Tukiliuqtaaqhimayug hivuani, KC-kkut munaqhaiyit havaqatigihimmaqtut tamarnik ikayuqtivut nunamili manikhaqhiurutit ilauyut amigaiqpaaliriangani hanahimayut ikayuutillu pipkaiyugut ikayuqturiangani nunami kivgaqtukhat ihuaqtuni havagviuyuni. Aulahimmaaqtuqullu uuktuqhimmahquta nuutaanik pidjutikharnik, talvani avikturvingmi igluqpaliurahuaqtunut pivalliadjutikharnik, ihuaqhaidjutikharnik inuuhimmaaqtuunik atuqtakharnik Kitikmeonmi Inuinnainut. Piyumayunga uuminnga pidjutikharnik tuniyaangat naittumik naunairutikharnik tapkuninnga KC-ngit hulilukaarutikharnik talvuuna kingulliuyunik 12-nik tatqiqhiutingnik pivalliaaangat nuutaanik nanminiqaqtuunik pidjutikharnik qanuq ukpiriyaptingnik ihuaqtumik Kitikmeonmi nunataaqhimayunik:

- KC ilaliutiyug tallimanik nutaanik Kitikmeot Inuit amigaitqiyaaanik nanminiriyainik ilagiit havagvinga unalu Inuit havaktut pivikhaqautingit uqaqatigiingnirmut, atuffaanginnarialik ikummavikhangit, taryurmi ingilraniq, nunami naunaiyaiinq avatingillu hanayilirinirmut havagvinga.
- Aulahimmaaqtuqut havakhimmaaqhuta tuhaadjutikharnik havaakhangit Nunavunmi talvuuna 50/50-nik nanminiqaqtuunik ilaqatigiiktukharnik taapkuninga Sakku Kiinauyaliurahuaqtunut ilagiiktut, taamna avikturvingmi Inuit pivalliadjutikharnik katimayingit talvani Kivalliq Inuit Katidjutiqatigiingit.
- KC-kkut, talvuuna ilagiyaaani Hiqiniq Auladjutiqiyit Kuapuriisan, havaqatigihimaliqtaait parnautigiplutik Agnico Eagle-kkut Uyaraqhiuqtit pivikhaqariangani niuvrutiqariangani alruyaqtuutunik Kapihiliktuumi uyaraqtarvingmi aulaninganik ilurailutik aulapkarianganilu anurimit aulaniganik huangaiyautikkut tuutqumavingnik. Ilavut tugliutigiyavut qanilruani tuniyayuyut aittuutunik angirutinik haffuminnga \$25M uvanngat kavamaryuat Ayuittumik Atuffaqaqtut uvvalu Alruyaqtuutikkut Apqutikkut pinahuarutit ikayuutikhat

haffuminnga havaakhamun. Hivutuunirmiglu havaktakhangit havaariyayukhat talvani AEM-kkut aivadjutiqiyunik ikummadjutikharnik niuviriangani angirutikharnik ihumagiyaqaqtugllu uuminga havaakhaq aulattittigiaqaqtun nappaqtirutikharnik qanilruani 2024-mi.

- Aadjikavayaanik havaakhaq iliraigiami imaalu aulapkailutik anurimit tun'ngayunik huangaiyautinut tutquumavikhangit igluqpakhanik talvani Goose Lake-mi tadja piliulitug B2Gold-mik.
- Kitikmeot Kuapuliisan ikayuliqtait nunallaani auladjutikhanut upalungaiyautikhat pivalliadjutikhanik amihunut Kitikmeot nunallaani. Iqalukuuttiami, havaqatigiyavut nunallaani tigummidjutiqatut kanatamilu aviktuqhimayumilu timiuyut qiniqhialutik ihuarnikhainik pivalliadjutikhanik atutqiktaaqtu anurimit hiqinirmillu aulapkaidjutikhanik ihuaqtumik nunallaani auladjutikhanut pinahuaqtainut hivuniptingni. Niriukhimayugut angikliyuummirutikharnik ukuninnga pidjutikharnik tamainnun Kitikmeonmi nunallaanun talvuuna mikhaatigun.
- Medic North Nunavut, nanminiriyayuyug ilanga Kitikmeot Corp-kunni, ptquhituqainnit ayurnaahiqtauvaktug kikliqaqtunin niuvvaanikkut uukturvikhanik Kitikmeoni. Una aallannguqtiqtauyug aanniarutaitullugu Qalagjuarniq piyumayuyut ihivriuhidjutikhanik kivgaqtuidjutikhanik tuniyauhmayunik MNN-mik uukturvikhanik takupkailutik ayuittamingnik imaalu ayuiqhattiaqhimayut. Nungulitillugu 2021 MNN-kkut aittuqtauhimayut havaatigut angiqatigiigutaanik hapkuninnga Nunavut Kavamatkunnin tunihiyaangini munaqhinik iliharutinik tamainnut Nunavunmi. 2022-mi MNN-kkut aittuqtauhimayug angiyumik havaatigut angiqatigiigutaanik Nunavut Kavamatkunnit pipkaiyangani ihuaqhautinik ikayuutinik tamainnut munaqhiqarvingni humiliqaa Nunavunmi atulihaaqtillugulu uvani ukiumi havaatigut angiqatigiigutaanik hivituninganik nungani 2023-mi.



Nutaaq, angitqiyaaq Leduc, AB-mi nayugaat niuviqtauhimayuq Larga Ltd.-mit, ihuaqhivaalliqtumik ikayuutighait Qitiqmiutat Inuit Edmonton-munngauyut Aanniaqtuliyiyit takuyaqturiamik.

Larga Itiqtirvingat

Tadja uqautigiyumayagit ilangit qanilruani tuhaqtitauyut talvuuna Larga Itiqtirvingat Edmonton-mi. Qaangiqlimayuni ikittut ukiut aktilaangit atauttit talvaniittut Larga igluqpaani amigaiquumiyyut taapkua havaktut inikhaqaqtut avatquumayuni hiniktarvingni. Hivvani aanniarutip, Larga Katimayit qiniqhiavlutik piyakhanik ikayuutikhat haffuminnga tadjamin uvvalu hivuniptingni angiklivalliyut hulidjutinun.

Tuhaayungnaqhivutin taapkuat Larga Katimayit nakuuyumik nalvaahinikkut nutaamik aihimavikhamik uuminnga Edmonton Larga igluqpaanun uvani 8332 Sparrow Crescent, Leduc County, haniani Edmonton tingmiaqarvik.

Una nutaaq igluqpak avatquumayut 100-nik igluqaqtut, atauttit mikiyumik qiqumiqarvik, qilamiuqtumik uunnakhilaaqtut, tiiviniik, quuyaqturviglu humiliqaak piyaanginni inuit qanurunaangnaittumik. Larga inuit pulaaqtut aturungnaiqtut igluunik quuyaqturvingniglu

qunmuudjutiquaqtut atulaaqtunik tamainnik natirnik. Niridjutikhat tuniyauvaktut angiyumi, ihuaqtumik nirivingmi. Inuit pulaaqtut atulaaqhutik iqaiyarnirmik igluamik, naluuyarvikhanik imaalu uunaqtunik ikhivavikhanik.

Nutaaq Larga nayugaa tunngahuktittiyut hivulirmik auyami. Ubluni aullaqtirlutik aulapkaidjutikhanik imaatut tamaat aktilaakhanik imaatut 120 aanniarviliaqtut tingmitikkut munaqtiuyullu, Larga havaktingit ihuaqhahimayut ihuaqhaiplutik imaatut 70 aallanik aanniarviliaqtut tingmitikkut aullarnahuaqtut talvannga Larga Kitikmeot Yalunaimi. Una uqaqtuq qanuraaluk ayuinnigut atuqpiarnilu taapkuat Larga munaqtiuningit havaktiillu tamangnit Edmonton taamnalul Yalunai iniit, apiriyungalu ilaugiamingni ilitariplugit quyagingnilu pinahurnit ikayurianginni nunataarninut atuqhugu una ayurnaraluaqtumik pivikhangit.

Nunavut 3000

Kingullirmi Tattiarnaqhilirvia Nunavut Kavamangit unalu Nunavunmi Igluliqiyiiryuatkut tuhaqtittivakhimayut auladjutikharnik Nunavunmi 3000-nik hanaqidjutikharnik, havadjagiktumik, auladjutikharnik havaakhangit ilitarihimayut pidjutikharnik tamainnun Nunavunmiunun inuuyaangat ihuaqtumik, qayangnairutikharnik, inuuhirinikkullu aihimavikharnik. Nunavut 3000 havaakhaq tunihiniaqhimayut 3,000 nutaanik iglukhanik Nunavunmi 2030-nguqtinnagu.

Akhuurutauyuq agyaqtuiyut akhaluutinga aullaqtiringanut Nunavut 3000 NCC Maniliurninga Katimayiingit, Inuit-nanminiriyauyuq igluqaliurniq unalu piqutingit munariniq talvani KC avvautingait tigumiaqtiyuq. NCC-kkut havaaqaqtut igluqpangmik 2000-nik iglukhanik Nunavunmi 2030-nguqtinnagu. Atan'nguyat havaqatigiiktut KC-kkut ilauhimmaaqaqtut NCC-kkut atannguyainik aallaniglu NCC-kkut tigummidjutiaqtut ikayuriami NCC-kkut tunihilutik haffuminnga pitquyauyunik ikayuqtillugit nunamingnit hanayit atannguyaunirmiglu ayuiqhaplutik Inuit atuqhugillu nunamingni Inuit nanminiinnik.

Uvani ukiumi nappaqtiirniit Nunavunmi 3000 Kitikmeoni aullaqtiirniaqtut NCC-kkut aullaqtirlutik 12-nik iglukhanik Iqaluktuuttiami tamangniglu arvinilik pingahut iglulgit atahimayut imaalu 12-iglulgit atahimayut tamainnit haamlatkut Uqhuqtuumi Taloyoak-milu ikayuutikhanik inungnut iglukhanut pitquyauhimayunik.

3000

KATITLUGIT NUTAT IGLUKHAT
TIKITNIANUT 2030

2000

IGLUGIYAKHAT HANAYAUNIAT
TAPKUNANGA NCCUKT

Kitikmeoni Nanminiqagtunik Pivalliadjutikharnik

Malikhugit naittumik ukua KC-kkut ilagiyait Kitikmeoni Avikturiani Piqutini Nanminiqutit (KRPI) angiyut iniqtiqtait qaangiqhimayumi ukiumi.

Atulihaalihaami 2023 KRPI-kkut tutaaqhimayut qaffinik nutaanik igluqpanik KIA-kunnit atuqtakhainit. Hivulliq amigaittut-aturningit igluqpait Kugaarungmi taapkaa tunihiyut inikhamik nunamingni KIA-tkut havaktiit tunihyaangini kivgaqtuutinik uvvalu pinahuarutinik nunallaanun. Una igluqpak qanittuani 2,100 kikkariktut itigaitigut aktilaanik piqarlunilu hitamanik titiravingnik inikhaniglu havaami hulidjutinik.

Tuglia amihunik-aturninga igluqpak Taloyoami taimaa ilaliutiyurlu inikhamik ukununga nunallaani KIA havaktinigit turaaqhiivlutik ikayutikhangit havaangit unalu iliharutingit nunallaanun. Una igluqpak qanittuani 3,100 kikkariktut itigaitigut aktilaanga uvvalu iluaniituaqtut tallimanik havagvinik, nayugakhainik pinahuarutinun hulidjutinun uvvalu nayugakhainik hapkununga Nunaqaqaqtunun Ilihaliqtinnagit ilihaliqtinagit pinahuarutit. Tamangnik ukuat qaffiuyunik atuqtakharnik igluqpanik havaktauvakhimayut munaqtauvakhimayullu talvanna NCC-kunnit havaatigut angiqtauninganit KRPIkkunillu.

KRPI-kkut piqaqtut malrunnik ilauyukhanik havaakhanik pivalliadjutikhanik KIA-kkunnut, ilauyut niuvrutikhanik aadjikkutainik piqutinik Kugluktumi imaalu nappaqtirilutik malrunnik iglukhanik Iqaluktuuttiami KIA-kkuni havaktit iglukhainik tuyuutauyukhat qakugunnguqqat ukiungani.

Ihuaqhaqtauhimayut havaktauliqut Utuqqat Nunanik Havagvia Kugluktumi. Taamna nuutaannguqtiqhimayut havagvingmi igluqpak ilaliutiniaqtut KIA-kkut pingahunik ilauyukharnik havaktinik havagvikharnik, anginirmik amigaittunik igluakharnik kingullirmiglu amigaittunik igluakharnik taimaa atuqtaugiaqaqtun havagvingmi iliharutikharnigluuniit inikhavikharnik. Niriuktauyut iniqtirutait haffuminnga havaakhamun ukiakhami 2023-mi.

Atauhiq kingulliqpaaq uqallagumayara iniqtiqhugu taiguagakhaq. Titiraqhimayut hivuani, una naittumik naunaiyaqhimayut Kitikmeot Kuapuriisanip hulilukaarutilluangat uvvalu iniqtiqtauyut kingullirni tualunik tatqiqhiutinik. Tamaat unniudjutikhat tamaita KC-kkut aullaraanginnaqtumik hulipkaidjutikhat imaalu tikitpaktut qaangiutiniaqtut ubluq tamaat. Amigaitilaanginni nakuuyumik nanminiriyayut pivalliadjutikhat imaalu iniqtiqtatka, hamna pivikhaqautigiyara ilitariyumaplugit mikiyut kihimi havaqatigiiktut havaqatigiiglutik inuuhiringnaqtumik, ihuaqtumik akhuuqpiakhutik ihuaqpiqatmiglu. Una havaqatigiiktut pittaarninga pigiami amihunik uktuutigiyauyut nakuuyumik havaqatigiiktunut havaamingnullu.

Quanaqqtutit naalakkavit Koana-lu.